



**SIARAN AKHBAR**  
**GLOBAL MONEY WEEK 2016**  
**5 Jamadilakhir 1437 sehingga 10 Jamadilakhir 1437**  
**Bersamaan dengan 14 Mac 2016 sehingga 19 Mac 2016**

---

1. Autoriti Monetari Brunei Darussalam (AMBD) dengan kerjasama Jabatan Perkembangan Kurikulum, Kementerian Pendidikan akan menyambut Global Money Week mulai hari Isnin, 14 Mac 2016 sehingga 19 Mac 2016.
2. Global Money Week (GMW) diadakan bertujuan untuk meningkatkan kesedaran mengenai kewangan yang disambut setiap tahun oleh 118 buah negara seluruh dunia. Acara ini dianjurkan oleh Child & Youth Finance International (CYFI). Negara Brunei Darussalam telah menyertai acara ini sejak tahun 2013 dikelolakan oleh pihak Jabatan Perkembangan Kurikulum, Kementerian Pendidikan dan Tabung Amanah Pekerja (TAP).
3. Di sepanjang minggu GMW ini, beberapa aktiviti telah dirancang untuk mencapai tujuan GMW. Aktiviti yang akan dijalankan ialah pertandingan poster, pertandingan sketsa, lawatan-lawatan ke institusi kewangan, dan taklimat kewangan. Aktiviti-aktiviti ini melibatkan para pelajar dari peringkat sekolah rendah hingga ke pengajian tinggi.
4. Majlis Penyampaian Hadiah Global Money Week 2016 akan diadakan pada hari Khamis, 17 Mac 2016 bertempat di Theatre Hall, Kementerian Kewangan.
5. Meningkatkan celik kewangan (*financial literacy*) adalah satu agenda penting bagi AMBD dalam mencapai objektif untuk memastikan kestabilan kewangan negara. Pada bulan Januari 2015, satu kajian telah dilaksanakan oleh pihak Pusat Pengajian Strategik dan Polisi (CSPS) untuk mengukur tahap celik kewangan di Negara Brunei Darussalam. Kajian ini diperlukan untuk merangka strategi nasional bagi meningkatkan tahap celik kewangan di negara ini.
6. Hasil kajian tersebut menunjukkan 49 peratus rakyat orang Brunei tidak menabung secara aktif, dan 34 peratus isi rumah tidak mempunyai bajet. Berdasarkan dapatan ini, AMBD telah berusaha dengan giatnya untuk meningkatkan celik kewangan dan kesedaran kewangan terutamanya dari aspek membina budaya menabung (*savings culture*) dalam kalangan masyarakat. Oleh itu penerapan nilai-nilai dan pengetahuan celik kewangan ini sangat penting dilaksanakan seawalnya dari peringkat prasekolah membawa ke peringkat pengajian tinggi.

**Autoriti Monetari Brunei Darussalam**

Tarikh: 2 Jamadilakhir 1437/11 Mac 2016

Ref: AMBD/COMMS/2016/3